


Injil untuak anak-anak hadiah

Yosua
maambiak
Tangguang
Jawek



Ditulih oleh: Edward Hughes

Diilustrasikan oleh: Janie Forest
Alastair Paterson

Diadaptasi oleh: Ruth Klassen

Diterjemahkan oleh: Yulia Anggraini

Diproduksi oleh: Bible for Children
www.M1914.org

©2023 Bible for Children, Inc.

Lisensi: awak punyo hak manyalin atau mancetak carito iko,
salamo awak indak manjual nyo.



Musa alah maningga. Yosus tau kalau
kini Tuhan mamilih inyo untuak
mamimpin bansa Israel. Sabalun
Yosua manyiapan tantaranyo. Inyo
harus manyiapan dirinyo surang.
Tuhan manjanjian kamanangan
dan kamakmuran kapado
Yosua di tanah pajanjian
kalau urang Israel
selalu manaati
Firman Tuhan.




Urang-urang Israel bajanji mangikuti
Yosua dan selallu manaati firman
Tuhan. Dengan bijaksano,



pamimpin baru
itu mangirim
pangintai-pangintai
ka Kanaan untuak
mampelajari
pertahanan dari
kota Yerikho yang
kuek. Paparangan
Israel yang
partamo akan
tajadi disitu.






Surang urang bakato kapado Rajo Yerikho kalau
ado pangintai-pangintai dikota. Inyo mangiriman
tantaranyo untuak mencari dan
manamuan urang-urang itu.



Katiko tantara-tantara
itu pai, Rahab mamakai
tali bawarna merah
tuo untuak manurunan
mereka dengan salamaik
melalui tembok kota.
Manga inyo manolong
pangintai-pangintai itu?
Sabab inyo tau kalau
Tuhan Basarato jo
urang-urang tu. Inyo
ingin Tuhan manyalamaikan
iduiknyo. Pangintai-pangintai
itu bajanji untuak manyalamaikan
Rahab jo keluarganyo.




Sabalun mancapai kota Yerikho, urang-urang Israel harus manyubarangi sungai Yordan untuak masuak ka Kanaan. Tanah Perjanjian. Tapi indak ado jembatan disitu! Baa caro urang-urang itu manyubarang?




Tuhan mangecek kapado Yosua, Imam-imam harus mamimpin tantara dan urang-urang untuak mambawo tabut perjanjian yang barisi sapuluah hukum. Dima kaki para Iman manyantuah pinggia sungai, Tuhan mangarajoan satu mujizat. Tuhan mambuek jalan kariang malinteh aia.




Sasudah sado urang manyubarang dengan salamaik, Urang-urang itu malatakan duo baleh batu gadang ditampek mereka bamalam dan duo baleh lainnyo ditangah-tangah sungai Kanaan. Iko akan maingekan urang-urang ko untuak maajaan kapado anak-anak mereka mengenai kuaso dan kasiah Tuhan yang gadang.





Yerikho mampunyai tembok yang taba dan kuek. Katiko Yosua marencanaan serangannyo, Tuhan mangiriman surang Kapten dari tantaraNyo di sarugo untuak maingekan pamimpin Israel yang baru itu kalau Tuhan yang mamanagan paparangan untuak umaikNyo.







Tuhan bakato kapado Yosua untuak manyarang Yerikho, iko nampaknyo rencana yang aneh. Umaik Tuhan harus babarih mangaliliangi kota sakali sahari salamo anam hari, dan tujuh kali pado hari ka tujuh. Sasudah itu mereka harus maambuih tarompet dan basorak, dan tembok-tembok kota itu akan runtuh.



Yosua dan tantaranyo mangarajoan bantuak yang diparintahkan Tuhan. Mungkin panduduak Yerikho manggalak-galakan urang-urang itu. Tapi, sasudah tujuh hari babarih imam-imam maambuih terompot tanduak domba. Dan

bantuak yang dijanjikan Tuhan... **TEMBOK YERIKHO YANG HEBAT ITU RUNTUAH!**

7





Hanyo
rumah
Rahab yang

salamaik. Inyo manggantungan
tali banang kirmizi (tali bawarna sirah)
dijendela. Dengan capek urang-urang
Yosua manyalamaikan Rahab jo
keluarganya. Sasudah itu
Yerikho diancuaan, ateh
parintah Tuhan.





Dengan
sungguah-sungguah.
Yosua maagiahan ameh,
perak jo barang-barang-barang tambago
jo basi ka perbendaharaan rumah
Tuhan. Sasudah itu inyo mangutuak
satiok urang yang mancubo untuak
mambangun baliak kota yang jaek itu.





Sacapeknyo satiok urang
di Kanaan mandanga baa Yosua
mangalahan Yerikho. Urang-rang
tau kalau Tuhan manyertai umaikNyo.



Yosua maambiak Tangguang Jawek

Sabuah carito dari firman tuhan, Injil

Didapekan di

Yosus 1-6

"Jalan masuak firman-firmanNyo mambarikan
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso ialah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko ialah sabuah kebenaran, kecekan iko kapado Tuhan: Ya Yesus, Ambo picayo bahwo Engkau ialah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalom iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

